



## جَابْرِيلُ اَنْجَلُ اِسْلَامِيَّةِ سَلَانْجُور

JABATAN AGAMA ISLAM SELANGOR  
Tingkat 1, Menara Selatan,  
Bangunan Sultan Idris Shah,  
No. 2, Persiaran Masjid, Bukit SUK, Seksyen 5,  
40676 SHAH ALAM, SELANGOR DARUL EHSAN

Tel : 03-5514 3600  
Faks : 03-5510 3368  
Laman Web : [www.jais.gov.my](http://www.jais.gov.my)  
Emel : [info@jais.gov.my](mailto:info@jais.gov.my)



Ruj. Kami : JAI.Sel.BKP/07/018/03Jld.3 ( 9 )  
Tarikh : 13 Oktober 2020

### KENYATAAN MEDIA

#### PENANGGUHAN SOLAT JUMAAT, SOLAT FARDHU DAN AKTIVITI PENGIMARAHAN MASJID DAN SURAU SELURUH NEGERI SELANGOR

**SHAH ALAM, 13 Oktober 2020** – Merujuk kepada pengumuman Perintah Kawalan Pergerakan Bersyarat (PKPB) di Selangor mulai **14 – 27 Oktober 2020** yang telah dikeluarkan oleh Majlis Keselamatan Negara (MKN), maka pihak Jabatan Agama Islam Selangor (JAIS) telah membuat keputusan dan menetapkan bagi semua Pentadbir Masjid dan Surau seluruh Negeri Selangor untuk menangguhkan Solat Fardhu Jumaat, Solat Fardhu Lima (5) Waktu Berjemaah dan lain-lain aktiviti pengimaranahan. Penangguhan ini akan melibatkan sebanyak 425 buah masjid, 278 Surau Kebenaran Solat Jumaat dan 1,747 surau.

Tindakan penangguhan ini dibuat selaras dengan penguatkuasaan PKPB di Negeri Selangor bagi mengekang penularan kes COVID-19 yang membimbangkan dari terus menular di kalangan masyarakat di Negeri Selangor. Keputusan ini juga dibuat selari dengan hasrat JAIS dalam memastikan pentadbir masjid dan surau di Negeri Selangor dapat memberi kelangsungan keselamatan, kesejahteraan dan perlindungan terhadap anak kariah masing-masing dari menerima sebarang kesan penularan wabak dan penyakit, khususnya Wabak COVID-19.

Pentadbir masjid dan surau seluruh Negeri Selangor hendaklah memastikan Solat Fardhu Jumaat tidak dilaksanakan sepanjang penangguhan ini, sebaliknya digantikan dengan Solat Zohor di kediaman masing-masing. Solat Fardhu Berjemaah 5 waktu hendaklah dilaksanakan dengan had bilangan jemaah **tidak melebihi tiga (3) orang sahaja**. Azan hendaklah dikumandangkan pada setiap waktu. Aktiviti-aktiviti pengimaranahan seperti Kuliah Maghrib, Kuliah Subuh dan Kuliah Dhuha serta aktiviti agama yang lain juga hendaklah ditangguhkan buat sementara. Penangguhan ini hendaklah **berkuatkuasa pada Waktu Subuh, 14 Oktober 2020**. Sebarang perubahan kepada penangguhan ini akan dimaklumkan dari semasa ke semasa.

Ahli jemaah juga dinasihatkan untuk terus berhati-hati, terus berdisiplin dengan mengikuti SOP dan melaksanakan kawalan kendiri dalam kehidupan sehari-hari di lingkungan sektor-sektor yang masih dibuka. Semoga langkah-langkah pencegahan, doa dan zikir yang diamalkan akan melindungi Negeri Selangor dan negara dari wabak ini dan mengembalikan kita semua kepada suasana kehidupan yang normal dan sejahtera.

Pengarah  
Jabatan Agama Islam Selangor

13 Oktober 2020

CEKAP, CEPAT DAN BERKUALITI



MS ISO 9001:2008  
DEG NAFR & R 2963